

紅雪屢原  
版影印

蔣士銓著九種曲

上海朝記書莊印行

唐駝著



臨川夢



紅雪樓原本

癸亥孟秋莫襄



癸亥七月上海  
朝記書局印行



五

五

五

五

五

五

五

臨川夢自序



客謂予曰。湯臨川詞人也。歟。予曰。何以知之。曰。讀四夢之曲。故知之。予听然而笑曰。然則子固歌者也。何足知臨川。客愠曰。非詞人。豈學人乎。予曰。明史及玉茗堂全集。非僻書。子曾見之歟。曰。未也。予曰。然則子固歌者也。又烏知學人。乃取明史列傳。及玉茗堂集。約畧示之。客慙而退。嗚呼。臨川一生大節。不邇權貴。逋爲執政所抑。一官潦倒。里居二十年。白首事親。哀毀而卒。是忠孝完人也。觀其星變一疏。使爲臺諫。則朱雲陽城矣。徐聞之。講學明道。遂昌之滅。

虎縱囚爲經師爲循吏又文翁韓延壽劉平趙瑤鍾離意  
呂元膺唐臨之流也詞人云乎哉然則何以作此四夢也  
曷觀臨川之言乎題牡丹亭曰夢中之情何必非真題紫  
釵曰人生榮困生死何常爲歡苦不足奈何題邯鄲曰岸  
谷滄桑亦豈常醒之物耶槩云如夢醒復何存題南柯曰  
人處六道中嘖笑不可失也夢了爲覺情了爲佛境有廣  
狹力有強劣而已嗚呼其視古今四海一枕竅蟻穴耳在  
夢言夢他何計焉予恐天下如客者多矣乃雜採各書及  
玉茗集中所載種種情事譜爲臨川夢一劇摹繪先生人

品現身場上。庶幾痴人不以先生爲詞人也歟。嗟乎先生以生爲夢。以死爲醒。予則以生爲死。以醒爲夢。於是引先生旣醒之身。復入于旣死之夢。且令四夢中人。與先生周旋於夢外之身。不亦荒唐可樂乎。獨惜婁江女子爲公而死。其識力過於當時執政遠矣。特兼寫之。以爲醉夢者愧焉。然而予但爲夢中人說夢而已。固無與於醒者。客果以臨川爲詞人。又何不可之有哉。甲午上巳鉛山蔣士銓書于芳潤堂。



玉茗先生傳

湯顯祖字義仍一字若士江西臨川人。生嘉靖二十九年庚戌。有文在手。年二十一舉於鄉。忤陳繼儒。遂以媒蘖下第。萬曆五年再赴會試。張居正欲其子及第。羅致海內名士以張之。延顯祖及沈懋學。顯祖謝弗往。懋學乃與居正子嗣修偕及第。顯祖歸六年。迨居正歿之明年癸未始成進士。與時宰張四維申時行之子爲同年。二相招致之。又不往。除南京太常博士。久之稍遷祠部。朝右慕其才。將徵爲吏部郎。上書辭免。十九年閏三月以彗星變。詔責諫官。



欺蔽大開言路顯祖抗疏論劾政府信私人陰扼臺諫語  
伉直數千言謫徐聞典史至任日立貴生書院講學士習  
頓移陞遂昌知縣滅虎放囚誠信及物翕然稱循吏二十  
六年戊戌投劾歸不復出辛丑外計追論議黜之李維禎  
爲監司力爭曰此君高尚久矣不應考法主計者曰正欲  
成其高耳竟削籍里居二十餘年父母喪時顯祖已六十  
七齡明年以哀毀卒遺命以麻衣草屨歛顯祖志意激昂  
風節遒勁平生以天下爲己任因執政所抑遂窮老而歿  
天下惜之所善同邑帥機及李三才梅國禎李化龍後皆

通顯各有建豎三才督漕淮上招之答曰身與公等比肩  
事主老而爲客所不能也論文以本朝宋濂爲宗李夢陽  
王世貞氣焰雖盛皆斥之爲僞體當霧霏充塞之時能排  
擊厯下者只顯祖與歸有光二人而已所居玉茗堂文史  
狼籍雞埒豕圈雜沓庭戶蕭閒詠歌俯仰自得胸中魁壘  
發爲詞曲所著四夢雖留連風懷感激物態要於洗蕩情  
塵銷歸鳥有作達觀空亦可悲矣子四人士蘧五齡能背  
誦三都二京年二十三死次大耆才致有父風次開遠崇  
禎五年由鄉舉爲河南推官奏論時事屢膺上怒責令指

實開遠抗論不少屈。上命削職逮治。左良玉率將士七十餘人。士民數百人。合奏乞留。上為動容。命帶罪辦賊。十年討平舞陽大盜。以功擢安廬三郡監軍。史可法薦其治行卓異。晉秩副使。十三年與黃得功大破諸賊。將用為河南巡撫。竟以勞瘁卒。哭聲震郊野。贈太僕少卿。弟季雲亦有雋才云。



論輔臣科臣疏

萬曆十九年

湯顯祖

奏爲星變陳言輔臣欺蔽如故科臣賄媚方新伏乞聖明  
特加戒諭罷斥以新時政以承天戒事臣於閏三月二十  
五日接得邸報見吏部接出聖諭六科十三道邇來風尙  
賄囑事向趨附內之效外外之借內甚無公直好生欺蔽  
且前者天垂星示羣奸不道汝等職司言責何無一喙之  
忠以免辱曠之罪汝等於常時每每歸過於上市恩取譽  
輒屢借風聞之語訕上要直鬻貨欺君嗜利不軌汝等何  
獨無言好生可惡且汝等豈不聞官府中事皆一體之語

乎。何每每以搜揚君惡。沽名速遷。爲汝等之職。受何之爵。食何之祿。至於長奸釀亂。而旁觀避禍。無斥奸去逆之忠。職任何在。本都該拿問重治。姑且從輕。各罰俸一年。吏部知道。欽此。大哉王言。正君臣之義。誅邪佞之心。嚴矣。粲矣。南都諸臣捧讀之餘。不知所以。有云。此必言官以星變責難皇上。致有此諭。臣竊意皇上前大理評事雒于仁等狂愚直言。猶賜矜恕。又前伏讀兩次聖諭。一則引咎在躬。一則因星警。逐去左右。蠱惑擅作威福之人。則言官卽有過言。必見溫納。何至合科道盡行切責罰俸。是惟聖明居高

洞遠灼見六科十三道中必有賄囑趨附長奸釀亂倍負  
上恩之處夫臣之責難皇上既不難於聽宥而聖諭嚴切  
臣子亦宜各以常憲官師相規臣今日敢竊附斯義也夫  
臣子本心自有衷赤權利蒙之其心始黑非必六科十三  
道盡然特一二都給事等有勢利小人相與顛倒煽弄其  
間耳記曰人父生而君食之其恩一也故子之兄弟相引  
而欺其父皆爲不孝臣之大小相引而欺其君皆爲不忠  
然豈今之科道諸臣都不知此義哉皇上威福之柄潛爲  
輔臣申時行所移故言官向背之情爲時行所得耳夫人

臣自非天性公直。要取富貴而已。富貴者。明王所以誘天  
不公直。權奸所以誘天下私邪。皆此具也。使公直者不失  
富貴。誰當私邪。私邪者。不得富貴。誰非公直。今日不然也。  
臣不敢汎舉。非言官而言事者。皆以失輔臣意得罪。卽以  
臣所知言官論之。首發科場欺蔽者。非御史丁此呂乎。此  
知上恩。效一喙之忠者也。時行知將論其子也。教吏部尙  
書楊巍覆而去之。惟恐其再入都矣。終言邊鎮欺蔽者。非  
御史萬國欽乎。此亦知皇上恩。效一喙之忠者也。時行不  
能辨其賊也。諷大學士許國擬而寫之。猶恨其不極邊矣。

二臣謫外。其他言官雖未敢顯斥時行。而或涉其旁事。及其私人。則有年例及不時補外二法。以牽聳衆言官。使其迴心歛氣。而時行得以滔然無臺諫之虞矣。惟近日南京御史李用中。奏正其子冒籍之法。而時行故以一請塞責。旋行祈請。欲得皇上一語。不礙其子進取。無乃要君甚乎。至於考滿與奏奇捷同日。正用前輔臣張居正故智。其奏捷疏中。有牛馬羊不計其數。南中諸臣皆笑曰。此經畧公賀儀也。明日獎敕中。必用此事。已而獎敕果有元輔課功之日。正西陲奏凱之晨數語矣。然臣按其日月。則元輔宴



功之晨。正星象示警之夕也。時行能欺蔽皇上。獨能欺蔽天象乎。而言官噤無言之者。正以丁此呂萬國欽爲戒。恐失富貴也。夫知感主恩爲皇上斥奸正法者。反得貶竄。雖皇上恩力不能庇之。故今科道中無義之臣。遂謂皇上不能恩人。并不知所受是皇上爵祿矣。至於言官中賄囑附勢。盛作不忠之事。躡竊富貴者。往往而是。年陞閏陞。以爲例固然矣。故此輩不知上恩。專感輔臣。其所得爵祿。若輔臣與之者。雖他日有敗。今日固已富貴矣。臣亦不暇遠舉。卽如今日吏禮二科都給事。此二臣者。豈不重爲天下僂。

笑哉。夫吏科都給事中楊文舉者，非奉詔經理荒政者乎。文舉所過，輒受大小官吏公私之金無筭。夫所過督撫司道郡縣，取之足矣。所未經過郡縣，亦風厲而取之。郡縣官取之足矣。所住驛遞，及所用給散錢糧庶官，亦戲笑而取之。聞有吳吏檢其歸裝，中金花綵幣，瓊盤等物，約可八千餘金。折乾等禮，約可六千餘金。古玩器直，可二千餘金。而又騎從千人，賞犒無節。所過雞犬一空。迨至杭州，酣酒無度。朝夕西湖上，其樂忘歸。初不記憶經理荒政，是何職名也。夫前所賄賂宴費，數萬餘金者，豈諸臣取諸其家蓄而

與之哉。正是刻掠飢民之膏餘，攢那賑帑之派數，以相支持過送，買其無唇舌耳已，而廣賣薦舉，多寡相稱，每薦可五十金，不知約得幾千金。至於暮夜爲人鬻獄，如滅凌元應軍之類，又不知幾千金。夫三輔臣皆家蘇徽二郡，文舉之貪，凡蘇徽二郡人士皆能言之，輔臣獨不知耶。未幾復命，而吏部紀錄居然首諫垣矣。乃知文舉之貪有所用之也。輔臣亦非不知之也。而從長安來者曰：此闕政府原有別待文舉再四從中曲處得之耳。夫皇上德意親發內帑金錢，賑救生靈之死，而文舉乃敢貪贓宴樂，擾害飢民，買

官自擅。皇上雖在深宮，獨無一人言之乎。然文舉雖玷首  
垣，久無鳴吠。人謂此逆取順守之計，或以前人爲創也。昨  
見邸報，文舉覲顏奏禁諸臣言事矣。夫大學士王錫爵因  
公一揚，假建言納賄自劾正法。此錫爵自起用以來第一  
盛舉也。且其奏詞曰：以壯夫義士剖肝決命之忠，而反資  
市井乞憐之計。其詐而辱天下士大夫至此見矣。莫不嘆  
美。此言得大臣體，而文舉乃尤引其意入於箝忌，亦可謂  
不成人之美矣。夫言事者，但酌其便宜何如，非必誅其心  
也。鄭國浚渠於秦亦利，申公竊室爲楚則忠。私謀且然，况

在公憤。若錫爵有大臣之心。必先召責文舉。如他日書之史冊。某年聖旨禁人言事。謂皇上何如主。錫爵等爲何如輔臣。然文舉之才正辨此耳。欲因星變爲皇上斥貪欺。明公直不可得也。彼不知地上有歲荒。安知天下有星變乎。而峩然六科之長。明年大計天下吏臣。恐文舉家無地着金也。至於吏科都給事胡汝寧。除叅主事饒伸外。一蝦蟆給事而已。不知汝寧何以還故鄉也。此二臣者。正聖諭所謂風尙賄囑者。何能爲皇上發人之私。正聖諭所謂事向趨附者。何能爲皇上折人之勢。然則輔臣欺蔽故習。無時

而撤矣。失此不治。臣謂皇上可惜者有四。爵祿者皇上之雨露也。今乃爲私門蔓桃李耳。其實公家之荆棘也。皇上之爵祿可惜一也。若羣臣風靡皆知受輔臣恩。不知受皇上恩。豈復有人品在其中乎。皇上之人才可惜二也。輔臣不破法。與人富貴。不見爲恩。皇上之法度可惜三也。陛下經營天下二十年於茲矣。前十年之政張居正剛而有欲。以羣私人囂然壞之。後十年之政時行柔而有欲。又以羣私人靡然壞之。皇上大有爲之時可惜四也。臣爲四可惜。欽承聖諭。少效愚憂。伏惟皇上特諭時行。急因星警。痛加

省悔以功相補。無致他日有負恩眷。輔臣國等。堅正相規。無取觀望。以隳時政。其楊文舉。胡汝寧。亟行罷斥。選補素知名節者爲都給事。以風其餘。而別諭都御史李世達等。謹守憲令。簡滌諸道御史。務令在內言事。在外宣風。一意遠賄觸邪。以回依阿還冗之象。如此。豈惟星變永消。臣且爲陛下奏泰階之符也。

臨川夢目錄

卷上

拒七

隱奸

譜夢

想夢

改夢

星變

抗疏

哮叛

送尉

殉夢

卷下

宦成

遺跛



續夢

雙啜

寄曲

訪夢

集夢

花慶

說夢

了夢

卷一

附八夢目錄

臨川夢卷上

長白明  
新春岩正譜

鉛山蔣士銓定甫填詞

秀水錢世錫百泉評校

提綱

觀我生進退  
貞吉

蝶戀花氣節如山搖不動玉茗堂中說透癡人夢鐵板銅  
絃隨手弄。婁江有箇人知重。喚做詞人心骨痛。史冊彈  
文後世誰能誦。醒眼觀場當自訟。古來才大難爲用。

第一齣 拒弋

各有能有

不能

商調  
引子

遠池遊

生巾  
服上

風雲淺陋打疊攀援手問才人此生能

否蛛絲掣肘龍門開竇咳甚公車猶難罷休

花信風多孰主張不知誰箇馬蹄香分明戲弄彈碁局

勝固欣然敗亦忘卑人姓湯名顯祖表字義仍別號若

士江西臨川人也生而有文在手唾則成珠長而列宿

羅胸筆能扛鼎所喜雙親康健三子聰明卑人二十一

歲叨舉鄉科今當萬厯五年重來會試平生好友四人

同邑帥機隆慶戊辰進士通州李三才長垣李化龍前

歲同登甲榜剩下麻城梅國禎與我尙困公車未膺一

第那帥惟審久官南京膳部郎中李于田已出宰河南  
嵩縣今在京師只有李道甫職居戶部得以常時相見  
我輩平生以經濟相期恥爲俗學獨梅克生意氣雄傑  
最喜談兵每以名將自許今日約他二人小飲敢待來  
也外冠帶末巾服同上外白馬辭青瑣末緇塵染素衣  
外下官李三才末小生梅國禎外此是若士兄下處了  
不免逕入生兩兄信人也請坐道甫兄朝中有甚新聞  
麼外今早報到廣東羅旁叛獠雖已平服廣西却大飢  
請賑比去年河決徐州七縣逃亡更甚末聞張居正說

劉臺傳應禎兩人俱以門生劾他太甚痛恨入骨去年  
既把劉子畏戍於廣西傅公善戍於定海去了此時尙  
密令地方官在安福縣內搜求他兩家事故必欲置之  
死地哩生長嘆介咳權相所爲一無忌憚至此主少國  
疑之禍方滋未艾矣

二郎神箝羣口占朝堂據皇躬左右丞相威權堪炙手公

然樹黨新叅暗引蒲州外便是那張四維倚恃金多始賄

新鄭再賄江陵又賄武清伯李偉太監馮保乃得寅緣入  
相以此屈事江陵不敢少拂其意爲之奈何末他既賣新

甫未已然

各適其適

鄭將來必賣江陵。若此輩連茹魚貫而起，只恐廟堂之上，  
端人絕跡矣。怕狼狽相偎，貂續狗逐，漸的浮雲鋪厚。生外  
合好優游，肆奸欺。何人後樂先憂，丑扮童上告官人。外面  
張不癡太爺來說有要緊話相商。外他是何等樣人。生  
此乃江陵之叔輩也。向年下第與宣城沈懋學同遊蕪  
陰。在郡丞龍宗武幕中相識的。末他來所言必多隱秘。  
我與道甫兄且向後齋迴避去。外極是極是。同下。生道  
有請。丑張太老爺有請。小淨巾服上特遣牙人丞相叔  
要收門客狀元郎。見揖入介。若士兄久違了。生太翁從

何處來請坐。小淨管家走出去。丑下。小淨前日舍姪公。

相向我訪求海內人才。說道當今之世可有雄駿君子。

如晁董其人者乎。我說道當今才子無過湯沈兩君。舍

姪公相聽了大喜。說道叔父賞識自然不差的。

前腔 換頭 休休他親賢下士。憐才罕有。移坐近介舍姪公相。

說今科鼎甲務選真正才人。吾兒嗣修不消說是一箇了。

然宰相之子不便大魁。只好中箇榜眼。為此差我將狀元

送與足下探花。送與沈兄。這玉筍班中誰領袖。才高似你。

今番不愧龍頭生。那沈君典怎麼說。小淨他感激非常。即

何以下科懋  
修竟大魁也

問得緊

曲省情狀

斬釘截鐵

便托我帶他去拜謝提攜之恩。兄今夜可打點新鮮衣服，明日一同前去。何如做一對明珠向盤內走，敲生肩介。只是日後不要忘記了我。遞宮花是我這朱衣親手。生極承見愛。但小弟新染一病，心神恍惚，手足酸麻，多分不能入場。求太翁婉言覆謝，公相爲感。小淨愕然介。這是什麼話。兄難道不喜狀元及第麼。生自知福命淺薄，平生無此妄想，斷不敢當。小淨奇哉。這是什麼意思。背介甚根由。這隆儀因何壁謝難收。轉介不是這等說。兄若高尙，就不該來會試。天下秀才費了百萬金錢去行賄賂，還怕輸他不。



着兄竟看得不甚貴重也太覺暴殄天物了

集賢賓尋常杏花難上頭况修撰風流抵多少藏在荷包  
防剪結幾曾見要魁星向舉子哀求生士各有志無容相  
強太翁不必瑣瑣了小淨呀呀怎生倒搶白起我來若

論舍姪公相也是當代名流一朝賢相他的才學只怕未  
必不如足下你看四海九州奇才異能之士情願攀鱗附  
翼者無門可入今白白送你一箇狀元你反拿班做勢我  
倒要請教難道你不中這箇狀元就損傷了他的相業不  
成好笑好笑他門生自有可惜你孤寒誰救生可又來公

相○自○寶○其○權○匹○夫○獨○守○其○志○我○湯○顯○祖○卽○使○終○身○窮○困○而○  
死○斷○斷○不○羨○那○鬱○輪○袍○之○富○貴○也○小○淨○我○是○一○片○薦○賢○好○  
意○湯○兄○未○可○不○分○皂○白○旣○如○此○只○索○告○辭○了○休○見○否○念○我○  
是○故○人○癡○叟○忿○下○外○末○上○外○不○意○江○陵○有○此○一○番○舉○動○若○  
士○兄○真○是○堂○堂○男○子○可○笑○那○江○陵○呵○

不苟則不拘

其實措大亦  
章芥耳

簇○御○林○將○名○器○托○蹇○修○市○恩○門○不○覺○羞○只○堪○籠○絡○人○中○狗○  
誰○肯○逐○蟻○螂○臭○末○在○江○陵○方○謂○天○下○之○人○無○不○可○以○羅○致○  
豈○知○公○車○之○上○有○一○措○大○直○以○草○芥○視○之○耶○世○悠○悠○甘○心○  
貧○賤○不○願○識○荆○州○生○彼○欲○使○其○兒○孫○占○盡○榮○名○美○職○却○要○

畢竟便宜了  
彼

我二人爲他陪襯。豈知彼以爲貴人。皆賤之。彼以爲美人。皆醜之。只怕時衰運去。瓦解冰消。咳。沈君典呀。沈君典。你好沒分曉也。

令人猛省

琥珀猫兒墜。蒼顏玉貌。轉眼幾骷髏。何況榮華不到頭。千般智巧積愆尤。陽秋暗去。明來多少恩讐。

外兄前次會試

不合罵了陳眉公。以致太倉見柳。今日又拂此老之意。只恐場屋中。又有一番暗算。生小弟若復進場。是不智矣。明朝呵。做一箇

尾聲場前下第劉蕢友。借疲驢。馱夢過蘆溝。外末吾兄此

妙語含辛

去勝於畫錦榮歸矣羨你中了箇不附權門的冷狀頭生

請到裏面小酌去同笑下

## 第二齣 隱奸

淨披巾素髻蒼髯扮隱士上粧點山林大架子附庸風雅小名家終

俞王行實錄  
棠爰書

南捷徑無心走處士虛聲盡力誇懶祭詩書充著作蠅  
營鐘鼎潤煙霞翩然一隻雲間鶴飛去飛來宰相衙老  
夫陳繼儒字仲醇別號眉公江南華亭人也少年頗工  
八股文字做秀才時與董思白王辰玉兩人齊名學校  
年未三十焚棄儒冠自稱高隱你道這是什麼意思並

隱曲如是而已

擇術可敬

可云喻于利矣

臨川夢 卷上  
非薄卿相而厚漁樵正欲藉漁樵而哄卿相騙得他冠裳動色怎知俺名利雙收又得董思白極力推尊更托王太倉多方延譽以此費些銀錢飯食將江浙許多窮老名士養在家中尋章摘句別類分門湊成各樣新書刻板出賣嚇得那一班鼠目寸光的時文朋友拜倒轅門盲稱瞎讚把我的名頭傳播四方而此中黃金白鏹不取自來你道這樣高人隱士做得過做不過我又想道單是士大夫敬重弄錢畢竟有限因而把飲食衣服器皿各件東西設法改造新樣騙那市井小人遂致財

山林蝨賦髮  
指心寒

一篇供狀字  
字從肺肝流  
出

源滾滾所以古有東坡之內今有眉公之糕古有李斯  
狗枷今有曾公馬桶笑介竟弄得海外聞名朝端推重  
由他地方官欽差官薦舉爭來自比康齋翁白沙翁徵  
詔不動而且記私讐嘗常時傾陷正人借清議暗裏把持  
朝局大笑介自古至今一箇窮工極巧的買賣竟被我  
陳眉公做化了即使天下後世有人看破行藏又當不  
得我的書畫實在精妙他們也不忍一筆抹倒何況我  
的香火子孫布滿藝林這一箇隱逸之名真箇安如泰  
山穩如磐石也丑僮上文章不賤賣金帛難強求小人

回來了。淨那毛文龍怎麼講。丑他說一篇壽文。怎要得

一萬銀子。況且你那一位山人。又不是舉人進士。想來

文字也甚平常。我如今用一副表禮。便可去求狀元的

佳作。翁他如今不要你做了哩。淨怒介阿呀。這匹夫好

無禮也。

仙呂入 雙調 風入松。他能開神臂萬鈞弓。那識毛錐輕重。多年

海上。纔緜擁。豈沒有金沙銀汞。丑翁本來要得太多了。淨

狗才。你知道甚麼。自仇鸞以來。邊將虛報錢糧。十分得利。

這萬金何足為多。丑便是這等。也是他的財喜與翁何干。

可見

河見

吁可畏哉

淨狗才我的文章當今王侯將相誰不敬重他一箇邊將  
敢來戲弄此讐必報丑這有甚麼讐恨他的錢在爺的貨  
在不過是做買賣何必生此閒氣淨狗才多講罷了待我  
想一箇法兒不論遲早總斬他這顆首級下來才知我做  
山人的辣手呢慢慢的做含沙射工飛暗箭叫你戰袍紅  
小淨上窮酸倔強難擡舉富貴通融易作成看公先生  
有麼淨呀原來是不癡老丈請坐連日有何貴幹不見  
枉駕小淨說起來氣煞人淨請教小淨只因舍姪公相  
今科要選一箇真正才子中狀元弟當日在蕪陰認得



一箇江西人好意舉薦他。他反粧喬不肯承受。說出許多迂濶可笑的話來。你道可惱不可惱。淨是何名姓。小淨叫做湯顯祖。淨驚介此人乃天下狂妄之徒。如何算得才子。老丈錯認了人。當得發惱。小淨他的才學是一無二的。先生不要說壞他。只是爲人情性古怪。總由福薄所致。淨不瞞老丈說。老夫向年大受厥累。他却也被我作弄的不小。小淨有這等事。願聞其略。淨那一日在太倉家中相見。太倉說此乃當今第一才人。是我的門生。小淨如何。淨我見他身材短小。面龐清瘦。如何看

得上眼。因新造了一所書房。要他題一匾額。他欣然把筆而寫。小淨所寫何字。淨他寫的是可以。栖遲四字。小淨這也罷了。淨老丈你怎知其中就裏。

前腔他毫端有鬼筆。如風暗裏包藏譏諷。他說我與王衡相好。就暗用上文衡門之下。罵我我二人本是文章道義。

金蘭重。豈燕子依人梁棟。小淨這就實在輕薄可惡了。淨

不但此也。又一日我自稱山人。他道山人爲何不在山中。却在宰相門下。老丈你說叫我如何當得起。小淨這等說。他竟把一箇高人認做篋片了。淨可不是麼。罵得我巢由。

耳聾。就是婁師德也難容。小淨先生怎的處置他。淨我看

太倉意思。必定要申他會元。被我費盡心機。用水磨功夫。今日一句明日一句。纔把太倉激惱了。我將貝錦把他文章掩將簧口。把他名聲亂纔障了眼紗。紅恰好太倉入場。做總裁。不料這狗頭篇篇錦繡十八房。一齊嘆賞。太倉便硬了腸子。老了臉皮。吹毛求疵。抹了一兩句說此卷文字。雖佳。却有語病。留在下科去申罷。因此把温岐黜方千放。孟郊逐劉幾。困落得罵冬烘。

小淨妙阿。小弟也是這箇法子。舍姪公相分付考官尋

他卷子塗壞不料遍尋不見想是頭場被貼了及昨日  
把點名冊子弔來一看竟連他的姓名也沒有了豈非  
真正古怪乎內鼓吹介丑上新狀元遊街了小淨我與  
先生上樓去憑欄一看淨使得內鼓吹小生小旦正旦  
冠帶簪花引隊子繞場下小淨哪哪哪那箇榜眼就是  
舍姪公相的公子張嗣修了淨妙呀

六字嬌媚

前腔風標畢竟不相同信是當朝相種那兩箇是誰小淨  
狀元是宣城沈懋學也是了不得的大才探花是敝同鄉  
會朝節淨恭喜鼎甲三人貴鄉竟有兩箇小淨這也是一

平反不爽

臨川夢  
卷一  
定之理先生不見前朝江西人當國那一科不是一箇兩  
箇最可笑是永樂二年三鼎甲皆是吉安人真正沒天理  
如今還算公道呢由來衣鉢師生重是氣運輪流翻弄下  
樓介淨小厮明日備禮物去賀喜張太師小淨不勞費心  
告辭了淨老丈你對令姪說那湯顯祖下科也不要中他  
方好小淨這箇自然總是舍姪公相在一日他一日休想  
淨前日看令姪八字還有五十年富貴小淨如此說湯生  
今世休想了叫紅杏颺他墳塚纔見得主司公

七字嫵媚

請了。下淨小厮今夜查清縉紳上衙門官職叫長班開

隱而賢

清街道寓所明日從大學士起一順拜去不可遺漏一  
家方見我做隱士的周到丑曉得淨文人武將恨難忘  
自有稀奇報怨方他日毛文龍見殺算來要靠董其昌

下

### 第三齣

### 譜夢

場後挂玉茗堂匾前設商調  
橫案書本筆硯生上  
引子 風馬兒蝴蝶年年向我飛虛

空捉住希夷著南華十九皆遊戲因緣起滅一切是耶非

由他虎豹守天門且作嘲風弄月人皮裏春秋圈外注

冷吟閒醉獨傷神我湯顯祖自丁丑拒絕權門歸來六

無聊

橋水月在手  
如是如是

盡信書則不  
如無書

載不復入京會試。總因眼中認定富貴。一時名節千古。  
入箇字兒。所以義命自安。怨尤俱泯。但情懷萬種。文字  
難傳。只得借此填詞。寫吾幽意。日來撰就牡丹亭傳奇。  
草草成篇。尙未脫稿。咳。世鮮知音。誰能嘆賞。且待娘子  
吳氏出來。商量斟酌一番。再謄正本爲妙。旦同婢上。言  
情。心鏡朗讀曲。日脂香。官人新詞改定了麼。生正待娘  
子點勘一過。且請問官人。古來亦有如杜麗娘柳春卿  
其人者乎。生晉朝武都太守李仲文。廣州太守馮孝將。  
兒女還魂事。頗相類。但人世之事。非人世所可盡。自非

通○人○恒○以○理○相○格○耳○凡○人○之○情○不○知○所○起○一○往○而○深○生○者○可○以○死○死○者○可○以○生○生○而○不○可○死○死○而○不○可○復○生○者○皆○非○情○之○至○者○夢○中○之○情○何○必○非○真○天○下○豈○少○夢○中○之○人○乎○試○與○娘○子○細○看○來○**旦**妙○阿○如○此○言○情○真○是○廣○大○靈○通○也○**生**取○曲○本○對○坐○同○看○婢○下○介○**生**

官人口中說

杜女如許迷

離

**曲**過

金○絡○索○春○從○想○處○歸○愛○向○緣○邊○起○**生**自○何○來○死○又○因○何

及○這○情○絲○一○綫○微○受○風○吹○逗○入○花○叢○幽○夢○裏○尋○來○覓○去○渾

無○迹○病○重○愁○深○只○自○知○難○迴○避○仗○花○神○老○判○暗○扶○持○可○憐

咱○一○箇○魂○兒○可○憐○他○一○箇○人○兒○不○再○向○亭○中○會○**旦**這○柳○**生**



臨川夢  
一發痴得奇妙哩

娘子口中說  
柳生恁般旖  
旎

甜香沁骨髓  
川替人

前腔心從好夢依像自荒園拾一  
朵花魂緊緊跟隨你這  
珊珊影漸移下來遲叫得他金蠶繞墓飛  
這幽媾冥誓兩  
篇此驚夢尋夢時愈覺纏綿淒楚也  
搵得他紅生腮斗春  
回體漾得他喜透眉渦暖到臍綢繆細約來朝活轉做夫  
妻閃屍屍一箇魂兒軟丟丟一箇身兒向泉下偎扶起

官人文心之妙一至于此只怕沒有這等可意之事  
生娘子但云理之所必無不妨情之所或有管他則甚

婢捧茶上卽下生

包孕大千

前腔情將萬物羈情把三塗繫小雅離騷結就情天地娘

子這麗娘與柳生是夫妻愛戀之情那杜老與夫人是兒  
女哀痛之情就是腐儒石姑亦有趨炎附勢之情推而至  
於盜賊蟲蟻無不各有貪嗔癡愛之情惟有忠臣孝子義  
大節婦能得其情之正耳人苟無情盜賊禽獸之不若雖  
之猶熱 芻豢土梗稊

人鬼周旋不  
煩深究

傷心語

生猶死富貴壽考會何足云是生來覺與知共迷癡認不  
出鬼做人身人做鬼那一邊兵戈擾攘加官職這一搭雲  
雨荒唐怕別離難收拾有誰能叅透箭鋒機娘子我這一  
本牡丹亭呵幾年間撥盡寒灰吸盡空杯成一串鮫人泪

僮持札上麻城梅國禎老爺差人寄書在此生取來可

留來人住下候領回書僮應下生拆書介國禎奉書若

士兄台足下自丁丑都門別後十月間大起奪情之獄

吳中行趙用賢鄒元標君子數人各受杖謫而去弟亦

歸里不復有進取之志今年六月江陵已死喪棺返楚

輜重七十餘舟所過用夫役三千人死猶赫赫如此明

年癸未會試不可再遲特此相訂歲底束裝到京相聚

伏惟照察原來權相已死了且官人那張江陵也是大

有本領之人何以一旦得罪名教至此生此乃國家氣

隻眼看破賁  
備云何

史冊分明生  
香不斷

洗脫沈生自  
不可少

運所使他也不能自主了

前腔途窮任逆施海濶憑風勢虎背高騎箭急弦難制爲

此把哀哀至性移怕人提戀闕忠誠如是耳從來權奸之  
輩不可一日無官不可一刻去位牢依黼座偷權力巧借  
天威用劫持娘子你看水山旣倒朝局必變從此媚江陵  
者必攻江陵將來一敗塗地定有削官籍沒之禍咳張叔  
大呀你在生好不貪愚也苦苦的爭閒氣到頭來鐘鳴漏  
盡敗如灰且那沈狀元如何了生沈君典本是我輩偶然  
把持不定被他羅致富奪情時他却再三苦諫又與司空

李幼孜反覆辯論遂毅然引疾而去舊年亦病故了旦可惜可嘆生恕得他年少心期終不是貪榮輩

旦官人何時啟行生既承克生相約趕到揚州度歲罷

旦今年玉茗花開得十分茂盛敢爲官人報喜也生你

看他葉厚有稜花色深歲寒不受雪霜侵日從此免招桃李妬陽春白雪遇知音

第四齣 想夢

老旦上 精花開意蕊智果發心香不信相思字中含泪  
萬行老身乃婁江俞家一箇養娘便是我家員外安人

結處點明玉茗乃知人在堂中

此篇製題結想可謂空外拋空幻中尋幻妙手靈心

不可思議

方不是小青  
一流人見解

早年去世只留一女名喚二姑係我乳養扶持今年一  
十七歲嬌艷聰明多愁善病終年終日守着兩架遺書  
翻閱不倦比那做秀才的趕科場還加緊要常時叫我  
到街坊上購買詩書以供消遣前日老身不合買了一  
本新曲叫做什麼牡丹亭說是江西一箇才子做的他  
便朗誦低吟忘餐廢寢不但淒淒楚楚感嘆那做夢的  
美人更是痴痴迷迷要我訪問那填詞的才子你道偌  
大世界我是一箇女流從何問起被他唧唧噥噥絮聒  
不了因而想道他既是文人必然讀書應舉爲此去托

東鄰張元長許子治兩箇相公代爲尋覓方才伏侍二

姑梳洗已完只得回去走遭正是夢裏難完心上事眼

前誰是意中人下左右設兩書案小旦持曲本上

青玉案 心頭賊地添留戀沒理會愁千片幾度尋愁尋不

見疑真認假從因生現空際思量遍

萬象不生太  
虛獨倚

二語是臨川  
知已

坐介梅花落盡柳成絲雲雨荒臺豈夢思萬古騷人心

不死文章做到返魂時奴家俞氏小名二姑蘇州婁江

人也年方十七不幸雙親早世孤苦伶仃依着一箇養

娘讀書度日前日購得牡丹亭曲本乃是江西湯顯祖

具此慧眼方  
許觀書

所著看他文字之中意旨之外情絲結網恨泪成河我  
想此君胸次必有萬分感嘆各種傷懷乃以美人香草  
寄托幽情所謂嬉笑怒罵皆是微詞咳非我佳人莫之  
能解湯君哪湯君你有這等性情了悟豈是雕蟲篆刻  
之輩世上那些蠢才看了此曲不以為淫必譏其艷說  
你不過是一箇詞章之士何異癡人說夢那里曉得你  
的文章都是國風小雅之變相來啣

梁州新郎春雲無着微風舒卷搖曳文心幽倩發揮奇妙  
中藏萬古情天是你叅尋知覺打破虛空筆下開生面笑

是作者自道  
甘苦不但品



題入妙

臨川夢  
他蟲兒求配偶。蟻兒旋都向聲聞。結幻緣。咳。但不識湯君。  
是箇古人。還是箇今人。令我。有生。不同。時。之。嘆。男。女。慕。人。  
天願無端。魂夢隨君顫。何必做柳郎眷。

向左案坐介。昨日將此曲用蠅頭細字批注一過。幽思

苦韻更比原文沉痛。可惜作者不能一見。展曲觀介。卽

以事迹而論。這杜麗娘。畢竟是箇癡人。方才生出種種

情境來。啣

漁燈兒。他一不合銀鈎寫錦字。松烟二不合關雎咏。鄭注

毛箋三不合菱花照容光。白憐四不合歎無人。瞧見說春

人生識字憂  
患始

美不自知何  
須人見水中

鏡裏孽障由  
生

風。誤。了。嬋。娟。

作支頤睡介扮睡魔引柳生杜女上場立定睡魔先下

柳杜顧盼迷離攜手下小旦醒起立作態介呀方才矇

矇中明明看見柳生與麗娘在那里做夢

從寂見喧排  
場不測

臨川絕唱心  
手俱融

前腔。那。不。是。暗。傷。懷。柳。畔。梅。邊。却。怎。的。苦。思。量。死。後。生。前。  
為甚麼泉下難忘夢裏緣。便做到墳開活現也。虧他土兒  
中睡滿三年。

坐右案睡介扮疣童荷鋤柳生持香石姑春香扶旦繞

場下小旦醒介咦咦咦杜麗娘真箇活轉來也起立作

態唱

錦漁燈 這一箇軟丟搭手扶肩支不住前合後偃那一箇

影 一幅遺魂小

笑迷奚口粘唇度不了熱氣香涎偃着他半冷肌膚似裏  
綿剛熨轉凍秋波一線可認得是人間

坐左案睡介生日攜手引春香石姑舟子搖船繞場下

小旦醒介今番真箇成了夫妻向杭州去也起立作態

唱

錦上花朝同坐夕共眠成人後情更顛還記得春蠶死後

吐絲纏辭了地瞞過天脫鬼趣想夫憐說甚的天公不老

字字皆夏  
憂獨造

月難圓。只要寸心堅。

坐右案睡介扮杜寶柳生冠帶同行陳黃門捧鏡退行  
照麗娘冠帶繞場下小旦笑醒介嘖嘖嘖好笑那杜平  
章與黃門官一對蠢才全沒些兒見識哩

錦中拍弄得箇鬼和人向天門鬧喧看人鬼相懸比似你  
人做鬼怕君王看見不許他鬼爲人識爹娘顏面問平章  
甚件閨門恁偏管不住嬌兒夢眩燮理得陰陽倒顛鬼把  
人纏人將鬼戀畢竟是鬼三台家教淺

詠朝破鬼膽

老日上訪來個強真名士歸告書歎女秀才二姑你在

此則甚。小旦我在此做夢。老旦青天白日做甚麼夢。敢  
看見杜麗娘和柳夢梅麼。小旦笑介。倒被你猜着了。老  
旦我方才去見張元長相公。問他可曉得箇湯顯祖。他  
說道此人乃當合無雙才子。表字叫做湯若士。年紀不  
上三十歲。是一箇倔强男兒。道猶未了。那許子洽相公  
恰好來訪。便一同坐了閒話。老身就問那湯若士。可是  
箇秀才。張相公說他二十歲中了舉人。其時因張居正  
閣老要他拜在門下。中他狀元。他却恥附權門。不待會  
試。一直走了。在家閒居六載。直待去年張閣老死後。他

特筆

未經人道

威力具足天  
地無權

卓論乃出香  
口

今年方去會試簇簇新新中了進士呢小旦點頭介果  
然如我所料老旦你如何曉得小旦大凡人之性情氣  
節文字中再掩不住我看這本詞曲雖是他遊戲之文  
然其中感慨激昂是一箇有血性的丈夫他寫杜女痴  
情至死不變正是借以自况所謂其愚不可及也

錦後拍他怎肯沒來由受人憐守着這無瑕白璧自安眠

靠天教活轉靠天教活轉只這些兒不許閻羅輕賤御袍

紅那借丈人牽就是權相不死終身不中湯先生自有千

古者在一箇甲科何足爲先生重乎可笑那杜麗娘呵識

臨川夢  
見淺要夫婿官花雙顫險些兒被桃條打散夢中緣

老旦許相公還說道今科新進士中張甲徵申用楸二人俱是當朝宰相之子那張四維申時行兩位相爺素知湯爺大才要他去見年伯那里曉得這位湯爺說道我若肯登宰相之堂前七年已及第了小旦喜介好一箇湯先生也老旦

味美于回

夷然不屑之態如見

北罵玉郎帶上小樓他定力能持志節全一任青雲際雁序聯獨向那慈恩寺裏避同年說平生看盡雲煙因此一番芥蒂不但不能得一館職就是京曹官也不能彀竟把

驚才絕艷噴  
玉流珠

山峭濤清生  
此碩漢

他除授了一箇南京太常寺博士。小旦泪介咳可憐老旦  
試當朝相權。試當朝相權。教你往留都冷坐寒。瓊湯爺全  
不介意。即便赴任去了。束琴書半肩。束琴書半肩。自去掃  
高皇陵殿。自去辦南朝祭典。守容臺一代官懸。守容臺一  
代官懸。領受着王涯樂府周澤齋錢。張相公又說道似這  
等鐵心腸。江西老倔強。難纏怪得把杜平章。柳衙內向臺  
端放匾。

小旦悶絕坐介。老旦二姑怎聽了這些說話。發起悶來。  
待我去取茶來你喫。下小旦長嘆介咳。湯先生湯先生。



此文字性情  
相契非同兒  
女才色關心  
故特表之

每聞清歌極  
喚奈何

我俞二姑一片柔情從今被你收攝去了也

尾聲他只怕姓名附入權臣傳受悽惶甘心貧賤我俞二

姑若能與你添香磨墨死也甘心打疊起一片春魂向臨

川身畔展下

第五齣 改夢

生三鬚紗仙呂帽便服上引子鵲橋仙閒曹清曠陪京瀟洒看遍山谷水

態乾坤何處寄情懷把舊曲從容刪改

黃雞白晝奈愁何兒女英雄恨事多難覓人間消遣法

苦敲檀板唱勞歌下官湯顯祖自癸未登第後除授南

關合生情

京太常博士忽忽五載去年八月遷授南京祠部十事  
久習豆籩之職仍居禮樂之司這也罷了向時取唐人  
霍小玉傳演爲紫簫院本草稿未完傳鈔已遍日前好  
友輩勸我完成此曲新秋多暇不免刪潤一番我想霍  
小玉這箇妮子始以墜釵結緣終以賣釵成病比杜麗  
娘的婚姻却是正大光明然麗娘未病而夢旣死還生  
小玉則已病而夢從生竟死仔細思量畢竟是這一股  
紫燕釵兒作祟也

桂枝香霍家人賣恰被盧家人買語喃喃向舊婦分離尾

釵燕何知恐  
不任咎

對待好笑

紗帽之下德  
行文學其實  
難兼

涇涇趁新娘插戴恨無情燕釵恨無情燕釵不念雕梁巢  
在空梁泥壞病難捱只落得悶掩樓中鏡痴尋夢裏鞋

只有李十郎這廝最爲可恨那盧太尉不過偷掌些陞  
遷降調之權那管得離合悲歡之事苟能拚棄微名何  
必定諧佳配

前腔官銜纔拜婚姻還再但低頭宰相威權全失記夫妻  
恩愛是天資忌猜是天資忌猜漫把屏風遮蓋難脫斑犀  
冤債辱抹了狀元牌這般牛馬襟裾貴說甚風雲月露才  
那黃衫客空有俠腸全無辣手却怎的不誅了這負心

賊來也。

傷心本係多  
事便不丟開  
怎的

前腔雄心無賴。刀鋒不快。既憐他石化南山。怎忍見禽填。  
東海嘆當年燕釵。嘆當年燕釵。雙飛難再單栖。難耐我想。  
古今缺陷正多。傷心不盡如李十郎輩。誠何足道。罷罷罷。  
掩卷介。我且暫丟開。但將愁向天邊寄。一任憂從地下埋。

小生三鬚紗帽便服。引中淨上來。聽武子言情曲代寄。  
山公啓事書。下官帥機字惟審。臨川人也。官南京膳部。  
郎中與湯若士同鄉至友。特來相訪。來此已是快通報。

中淨有人麼。丑上。什麼人。中淨帥爺到。丑家爺在書房。

以下曲白皆  
用答司吏部  
書中句語見  
王荖堂文集

中請進去。小生若士兄。生惟審兄來了。請坐。小生兄在  
此吟詩。小弟走來做催租人了。生取曲本介。就是紫簫  
舊曲。今改爲紫釵記。正要送來求正。小生妙極。待我袖  
去細細領教。袖曲介。今日京中選君李維禎有書相寄。  
說朝右慕兄才望。將徵兄進京爲吏部郎。托我致意。故  
來相告。生笑介。弟行年三十九歲矣。宦情已盡。不復西  
向。長安而笑。何取於此乎。小生兄之心事。我自知之。但  
李永寧美意似不可却。必欲辭之。兄可寫一札。弟當代  
寄如何。生使得待我就此寫來。丑送茶生拂紙寫介。

南呂過曲

紅衲襖

上寫着病嵇康拜覆函下寫着老山濤親賜

覽既得與奉陵祠令我多方感若說起改京曹愁予七不堪便做道老為郎心久甘一任他熱因人吾未敢僕在南  
方如魚之有水精氣之有根宅也其斷不宜於北地者有五君不見鴻鴈來賓短翅雛雛也趁秋風還向南

小生兄不宜於北地是那五件生兄阿竊聞養兒待老

豈可相離南都去家風水順利舟行安穩迎養半月可到北路車馬勞頓老親如何去得此其一也

前腔可憐他苦依栖一箇男忍教他老奔馳千里站做不

事親為大故與奪情之江

第五

卷上

三

得撇爺娘至性因官淡守妻兒微軀食祿慙况弟失偶二  
年矣亡妻遺下兩子阿遽八齡阿耆六歲晝食夜眠用父  
代母添衣視病惟我是依此其二也那里是卧沙鳧抱子  
憨都只爲落巢鴉無母慘可笑我兒女情長愧煞英雄也  
因此把孝和慈兩下擔

更可慮者郎官六品俸錢四萬京中租屋買水一馬二  
隸每年所用不下七萬錢兼之慶弔燕飲入不敷出南  
京食用省減都無大累此其三也弟身體瘦弱寢食失  
時則病病則擇藥而服京中朝請謝謁常至申酉方能

午餐既病之後。又無名醫良藥。乞假太頻。堂官所惡。其何以堪。此其四也。丑送茶介。小生聽兄如此議論。阿

前腔

生怕染御爐香。將鷄舌含。說甚麼點朝班。把鵝序站。

豈真爲混魚龍。曼倩因飢感。一任他賣風雲。侏儒索米貪。

請教還有第五件呢。生若提起第五件。一發可笑了。北地

雪高水厚。食炕餐煤糞。灰填於耳鼻。溝穢中於臟腑。青蠅橫集。白蛉暗飛。弟乃多病之人。土風不宜。必損年命。此其五也。况夫邇中軸者。不必盡人之才。遊閑外者。未足定人之短長。安道上大有其人。何取於僕。寫介語不云乎。人各



僵蠶之性可  
逐邪風不同  
腐鼠

逝者如斯夫

有章偃仰冷淡歷落隱映者此亦鄙人之章也惟明公哀  
憐成其狂斐顯祖拜覆小生起背立介呀看他如此光景  
真箇宦情盡矣咳他意兒誰解探他話兒誰掇賺轉介若  
士兄我與你一卧滄江遲暮相憐也都做了不成絲繭內

蠶

生書已寫就托兄寄去便了小生如此告別生紫釵記

尚求直筆裁削小生好說顏唐吏隱共浮沉生舉世何

人識此心小生虛說平生賤温飽合十年清泪比江深

請了分下

第六齣

星變

扮四星官各戴本象盔引大旗分寫室  
火猪壁水獮婁金狗胃土雉字面擁上

二犯江兒水分躔

列舍。旋轉處分躔。列舍。舒芒垂大野。輝輝閃閃。整整斜斜。

拱天垣圍帝車。室。俺管室星官。姓闍都迦尼。乃蛇頭天蝎

之子也。壁。俺東壁星官。姓陀難闍。乃林天婆婁那之子也。

婁。俺婁宿星官。姓阿含婆。乃乾闥婆天之子也。胃。俺胃宿

星官。姓跋伽毘。乃閻摩天之子也。室。請了。我等四星同隸

北天門下。今當下界。萬曆十九年閏三月。只因君王年幼。

宰輔弄權。黜陟不明。賢奸雜進。上天垂象示儆。彗星合當

南董鉄筆

現於我等四星之次。列位星官。須索靜候者。衆有理。合唱  
 作勢介。衆手作雲遮。羣工矜狎邪。面厚如靴。身軟如蛇。爭  
 光暗欺。初出月。萬歷皇爺。自強如嘉靖。皇爺長洲相業。更  
 不及江陵相業。却比那老嚴嵩畧嫩些。

同立高處介。小旦舞衣花冠。雉尾持長帚上。

前腔妖星光射。奉玉勅妖星光射。憑俺除穢者。俺天彗星

君奉上帝勅旨。現象於室壁胃婁之次。俺姊妹三人。大姐

名長星。三妹名孛星。各有執掌。惟我所司。掃除污穢。你看

俺手中這一把帚兒。好不利害也。橫擔斗柄。倒插箕舌。掃

跌宕生姿

塵氛一片邪。俺在嘉靖時曾現七次。隆慶時現一次。這萬

曆十九年來已現四次。自洪武元年到今共現三十六次。

矣。不見兔盈。宜惟聞鬼載車。方朔誰耶。晏子誰耶。台星對

俺箕帚。妾列位星官請了。衆天彗星君請了。小旦俺奉差

相擾。幸勿見怪。衆好說請星君展放靈輝。我輩借光多矣。

小旦持帚橫空繞場介。合歲在龍蛇。轉璇璣。歲在龍蛇。年

當中葉。轉氣運年當中葉。衆星下走陣介。又累他管窺天。

雙眼斜。

同下。二監引老旦捧詔上。司天臺上方陳變。聖主宮中

自省愆咱家司禮監萬歲爺着咱到午門外叫齊科道  
官兒宣旨。噫。孩子們。就此出官去。扮門官跪接介。老旦  
奉聖諭。六科十三道。邇來風尚賄囑。事向趨附。丙之效  
外。外之借丙。甚無公直。好生欺蔽。前者天垂星示。群奸  
不道。汝等職司言責。何無一喙之忠。以免辱曠之罪。汝  
等常時每每歸過於上市。恩沾名屢。借風聞之語。訕上  
要。直至見廷臣嗜利不軌。鬻貨欺君。汝等何無一言好  
生可惡。汝等受誰之爵。食誰之祿。乃敢旁觀避禍。無斥  
奸去惡之思。職任何在本。該一并拿問重治。姑且從輕。

各罰俸一年吏部知道可將此旨謄發各省以求直言  
欽此謝恩衆萬歲萬萬歲老旦你們做的什麼官兒把  
天上的掃帚星都鬧出來叫萬歲翁生氣鬧什麼去罷  
下衆掩面散下

第七齣

抗疏

生冠越調帶上引子

霜天曉角星辰示異天變非無謂主聖能容臣

直求言詔下南畿

本詩蘭署江南花月新封書纔上海生塵心知故相噓  
還得直取當今丞相噓下官湯顯祖今乃萬曆十九年

此篇全用湯  
公本疏裁剪  
成文疏密合  
適

閏三月二十五日接見邸報欣知聖主以上天星變切  
責科道奪俸有差因而大開言路令天下臣工皆得論  
列時事大哉王言正君臣之義誅邪佞之心我雖備職  
南都敢以寒蟬自棄可笑同寅中紛紛議論或謂此必  
言官以星變責難聖上致有此論我想前者大理評事  
雒于仁狂愚直諫聖主尙加容恕且兩下聖諭一則引  
咎在躬一則逐去左右蠱惑擅權之輩則諫官卽有過  
言定蒙採納豈有合臺盡行切責之理必是聖上灼見  
科道中實有賄囑趨附之事故發此詔爲此一志齋心

以文為曲一  
氣卷舒不見  
教縫痕跡可  
云五金一爐  
無所不化

敬草一疏論劾輔臣科道庶不負食祿輸忠之義也坐  
案上介待我就此寫來

近調入破南祠郎顯祖啓應詔抒愚直奏為廷臣交賄公然

陰用蒙蔽群肆奸欺臣謹誠惶誠恐稽首頓首伏念人臣  
衷懷本赤受恩知各欲忠良相矢一自蒙權利心變黑樂  
貪鄙不復顧名節廉恥科道台司暗改朝堂風氣大權移  
黨惡朋奸將何取譬

臣聞記曰人父生而君食之其恩一也故子之兄弟相  
引而欺其父皆為不孝臣之大小相引而欺其君皆為



不忠豈當今諸臣不知此義蓋因皇上威福之柄潛爲  
輔臣申時行所移故言官向背之情爲時行所得耳

破第二厚祿貴官所以酬公直朝廷權柄私門援作恩例  
吮癰舐痔脅肩諂笑由他怒喜正士心寒投簪去矣

御史丁此呂首發科場欺蔽申時行恐將論及其子叫  
吏部尙書楊巍覆而逐之御史萬國欽終言邊鎮欺蔽  
申時行恐露其贓叫大學士許國擬而竄之其他言官  
或涉其旁事忤其私人一一降謫以爲牽聳

袞第三那更考功奏奇捷媚竈剛同日收掠馬羊入奏疏

收應星變

畢竟爲長洲  
劃清界限

失國體笑經畧聊申賀禮攘竊勳封正用江陵前智帝可  
欺只天象難瞞遣星官掃穢

丑捧茶上老翁請茶喫老翁今日填詞爲何穿起冠帶  
來生我在此寫本丑敢是要學楊繼盛老翁麼生正是

丑如今沒得嚴嵩要叅那箇生狗才多講還不進去丑

老爺弗要管閒事你終日做曲子天下事無非是戲何  
必認真生哇還不走丑這頂紗帽要出脫了做鬼臉下

生時行妄爲如此凡無義之臣遂謂皇上不能恩人其  
所得爵祿皆出輔臣之賜卽如吏科都給事楊文舉呵

自然傾瀉亦  
爽亦潔

臨川夢  
歌拍奉詔賑恤貪污尤異經過地方凡官吏恣婪索盡無  
遺綵緞金花以及折乾等禮似山堆敲剝災民拋妻賣兒  
中袞第五他賣薦舉鬻囚配朝暮西湖醉問柳尋花樂忘  
歸全不念差何職救誰飢滿載還朝首臺垣印纍纍三相  
吳人難推不知

至於禮科胡汝寧以叅饒伸高桂取媚政府不過一蝦  
蟆給事而已覷然人面不足挂齒臣爲皇上可惜者有

四

煞尾荆棘盈庭私室栽桃李無人品喪臣節玷朝儀陛下

古今同慨

經營天下二十年矣。前十年之政，張居正剛而多欲，以群  
私人囂然壞之。後十年之政，申時行柔而多欲，又以群私  
人囂然壞之。伏乞聖明，令申時行急因星警，痛自改悔，無  
負厚恩。輔臣許國等堅正相規，無取觀望，以隳時政。其楊  
文舉、胡汝寧二人，卽令罷斥。選補素知名節者爲都給事，  
以風其餘。策風雷逐奸回，伏惟陛下肅整乾剛，嚴厲勿遲。  
疑○以○免○昇○平○諸○般○可○惜○。

出破若還鑒臣秉愚忠，感格除妖彗。庶泰堦祥符，瑞應協  
天紀。臣無任瞻天仰聖，激切屏營之至。

咬下學東之  
貶

本已寫完明日遣人齋送上京去朝陽綵鳳不聞聲却  
讓秋蟬應候鳴朝奏九重甘夕貶不煩灑吏笑南征下

第八齣

悖叛

丑戎裝狼頭盔中呂  
引隊子番兵上過曲

粉孩兒轟轟的據鹽池騰萬馬看當

年元昊再生寧夏賀蘭山排列如虎牙開漁陽戰鼓重搥

俺悖承恩本是韃靼遺種父親悖拜在嘉靖年間投歸中

國屢立戰功官拜寧夏都指揮母親施氏懷孕在身吾父

夢見空中震響天門開裂火光中有一神虎飛入吾母脇

下是夜生下俺來狼面梟蹄名曰承恩吾父于萬曆十七

年致仕俺承襲副將之職。今已四載。俺素存大志。多畜蒼頭。叵耐近日巡撫党馨。這厮于俺名下。兵馬錢糧。事事裁抑。俺前者偶然強娶民女爲妾。他將我一網二十。打得我恨比海深。仇如天大。昨日又勒捐鎮兵花布錢糧。俺便暗中挑唆先鋒劉東暘許朝二人。叫他今早統兵反入帥府。殺却一班庸臣。方洩我恨。跳唱介。赫連刀龍雀爭譁。把靈州官吏齊殺。

淨中淨戎裝各提首級引隊子上

紅芍藥憑鑽刺保着烏紗。憑貪鄙擁着高牙。逼迫的人心。

虎變鼠

居之無疑者  
大都自負也

分辨

怒難納假斯文不能招架淨俺劉東陽中淨俺許朝淨因  
撫院尅薄逼反鎮兵我二人氣忿不過幸得哮將軍指教  
特來報命見介丑二位將軍得利了中淨這是副使道石  
繼芳首級淨這党馨躲在廚房水洞中被我搜出擒拿一  
劍如切瓜哮將軍你看他這副嘴臉不羞慚自稱官大中  
淨被我挾制總兵張維忠叫他奏報只說是侵糧激變當  
下把衙門燒燬奪了兵牌印信如今請教還是按兵靜候  
招安還是乘勢奪取各堡丑事已至此豈可歇手二位趁  
此攻掠弄些子女金帛大家受用這慶王府中所有東西

特表蕭冢夫  
婦史筆森然

待我自去劫掠便了。淨中淨有理。衆將官就此先取河西。一路努力殺向前去。衆喊介得令。響颼颼城湧鳴沙。亂紛紛池躍花馬。

下小生短鬚同旦戎裝生家將隨上

耍孩兒鐵壁銅牆誰得下。衆志成城日說甚麼。亂賊如麻。

小生我平鹵堡叅將蕭如薰。旦我楊氏乃尙書楊兆之女。

小生夫人今日探得河西一帶已陷四十七堡。亂兵所到。

勢如破竹。這賊將土文秀連日攻打甚是利害。我們雖然堅守。只怕人心不固。奈何。旦君爲忠臣。妾豈不能爲忠臣。



善人教民七  
年亦可以即  
戎矣

凡能應變者  
必定從容

之妻家將過來。生有旦。可把我箱篋一并抬出營門。所有  
釵環衣物盡行散給軍士。并傳諭說道。倘三軍無心固守。  
不妨散去。我夫婦與此堡命共存亡。誓無他志。教他想一  
想。平日丁寧話。生下內喊介。眾兵受將軍夫人平日教養。  
之恩。如同兒女。今日又蒙厚賞。惟有同心死守。上報朝廷。  
倘有負將軍夫人者。身爲齏粉。小生旦同洒泣介。軍心定  
矣。賊兵上小生急登城射死一賊。眾下卒報介。稟將軍夫  
人知道。方才中箭死的名叫哮雲。乃是哮拜義子。旦妙呀。  
屹。崢。嶸。如。斗。孤。城。大。反。覺。得。軍。容。暇。

可憐

全下貼冠帶携小旦世子上

會河陽賊湧如河矢飛似鴉涸天潢甚處覓枯查我乃慶  
王正妃方氏兒呀你父王被賊劫去不知如何下落老旦  
保母上呵呀娘娘不好了總兵麻貴攻城被哮拜父子將  
滾木礮石打下又擲火燒死官兵無數聞得賊子就要來  
搜括王府金帛哩貼小旦哭介哎呀天那霎時鳳耦龍駒  
便成孤寡管什麼金銀搜刮拔劍自刎老旦奪救介娘娘  
不可性急此間有一土窖娘娘可同小千歲暫且藏在下  
面可將冠帔放于井上待老婢伏井大哭或者騙過一時

我躬不閱

較青衣行酒  
者倘有男子  
心

慘而艷

貼保母家國如此何以生爲不如就此投井罷老旦抱住  
介王爺雖被賊劫去斷斷不敢加害將來回府團聚有時  
萬勿輕生小旦娘娘依了保母罷貼脫冠帶挂井欄携子  
哭介兒呀我和你生長錦繡叢中炊金饌玉今乃作此舉  
止可不痛殺人也搥胸大哭介內喊震介老旦事急矣娘  
娘屈尊快些下去貼親兒呀痛心地道窟裡埋娘罷保母呀  
痛心大隧裡招魂罷

全小旦下老旦伏井哭介丑引兵上

縷縷金金枝葉玉根芽一羣嬌鳥亂共啼花叻老婆子哭

無聚不散如  
布如泉

什麼老旦方纔娘娘同世子投入井內老婢子捨不得故

爾痛傷丑噫娘娘投井死了敢是哄我的嗎老旦這不是

娘娘冠帔麼你若不信叫人打撈便了丑可惜可惜也罷

軍士們可把宮內金銀絲緞及年幼女子一併裝上車輛

送到我府中去者衆應介聚歛心空費多年積下和盤托

出送人家花押不勞畫花押不勞畫

全下老旦好了賊兵已去娘娘請出來罷小旦衣沾泥

土上保母賊去了麼娘娘快出來呀怎麼不應待我再

下去看來下卽上介保母不好了娘娘氣絕了老旦哎

呀同大哭介娘娘呀

越恁好深深埋玉深深埋玉藁葬借泥沙漆燈金盃無藏  
處散宮娃小秦王曲吹暮笳魂歸月下銘旌字誰結箇靈  
堂挂容衣像誰向那泉臺畫

老旦世子不必過傷逃生要緊改裝介

尾聲將珊瑚寶玦藏腰下五陵王氣看猶佳咳怎得箇破  
虜將軍把勃勃拿全下

第九齣 送尉

生冠帶本  
藍袍上詩

一疏春浮瘴海涯五年山縣寄蓮花已拚姓氏

無人識檢點封章得內家。下官湯顯祖。因星變求言。抗  
論時事。謫貶廣東雷州徐聞縣典史。不覺數載。昨接邸  
報。陞授浙江遂昌縣令。笑介作此。寂寂徒令鄧禹笑。人  
與世悠悠。敢謂鮑君知我浮。沉總歸一致得失久。已兩  
忘。既沐朝廷見用之恩。且盡父母斯民之職。小廝雜有  
生半肩行李。一馬一夫。可曾完備。雜收拾才了。有貴生  
書院肄業秀才在外求見。生請來。雜應請介外。小生巾  
服上。子產木爲民母。文翁兼作經師。難挽飛鳧去。烏請  
看墮泪殘碑。老父師在上。門生輩特來拜送。生請坐。外

老父師久屈海濱得遷花縣固是蒼生之福但門墻依戀情深不能自解小生尙求片言訓誨使小子輩終身服膺不致墮落感何可言生善哉諸生之請也僕生四十餘矣少時血氣未定喜讀非聖之書所游四方輒交其氣誼之士蹈厲靡衍幾失本性久之自省有得所以爲諸生諄諄指示凡人之所貴者吾生之理仁孝之心也苟不知吾生與天下之生可貴則仁孝之心盡死雖存若亡是自賤其生矣諸生能各全其仁孝之心則其生可貴斯不愧爲人耳

脚用貴生本記

悲天憫人耿  
耿如見

仙呂  
過曲  
八聲甘州  
心長世短嘆乾坤戲劇優孟衣冠貪榮嗜

利眼花頭白難完君親抱慙已蓋棺富貴多虞猶叩槃疑  
團問天公可被遮瞞

外性天之學既聞命矣敢問文章以何爲貴生僕學道

未成而學爲文學文無成而學詩賦學詩賦無成轉而

學道然終未能忘情所習竊謂漢宋文章各極其趣學

宋人不成不失類鶩學漢文不成却恐類狗本朝文字

當以宋景濂爲宗李獻吉李于鱗雖氣力強弱巨細不

同。等。贗。文。耳。向。在。南。都。曾。取。王。鳳。洲。文。集。指。摘。其。中。用

定論不磨



事出處及增減史漢唐詩字面後來鳳洲笑曰湯生標  
塗吾文異日亦必有標塗湯生之文者僕未嘗不嘆鳳  
洲為達人也

曹公名瞞但  
自欺耳

前腔篇成各自觀笑還珠買積肘篋探丸英雄欺世久之  
畢竟難瞞胸中既無真氣蟠筆下焉能力量完眉攢恨盲  
稱瞎贖無端

外小生深荷先生訓迪門生輩暫且告退少頃在郵亭

候送則个揖介生不消了外小生平生不負所學臨別

贈人以言下生小厮鞦韆馬伺候就此起行者下扮父老

強對

此篇虛寫循  
吏曲折無遺

二人持香上

仙呂入

雙調

孝南歌恩官去魂暗銷  
耆民白頭珠淚拋  
家室免

通逃間閻無賊盜  
陞遷太早生騎馬  
雜挑行李隨上去海

已十里看山猶萬重  
父老拜介湯爺認真去了  
虧你撇得

下小人們一班老民  
啣哭介生洒泪介  
父老們此乃官程

所限不能再留  
自今以後各自頤養  
壽命約束子孫做好

人莫被官司筆撻  
便不負我數年愛惜  
之意去罷父老哭

拜介多謝湯爺  
我們各備百錢  
求爺收受生昔年  
劉寵選

受一錢我並此不用  
你們留着買些甘旨  
罷生父老共號

臨川慶  
卷上  
三  
咷焉能戀爾曹。父老把龍鍾人慟倒。

下扮二婦二兒上

前腔。恩官去。魂暗銷。婦女嬰兒珠淚拋。茆舍廢蠶繅。斜陽  
讀書了。行裝太早。拜介老翁遲些去罷。我們實在捨不得。  
生婦女們。自後務須孝順公婆。尊敬丈夫。勤儉操持。未可  
懶惰。兒童們。當聽父母教訓。長大成人。各務生理。不可游  
蕩。女多謝教導。小婦人織得雷葛幾疋。獻與老爺。兒小子  
們。採得些檳榔荔枝。上獻老爺。生都不消如此。去罷。衆哭  
介。生婦女共號咷焉能庇爾曹。衆把村姑們慟倒。

頽民向化是

感字

下扮黎人蛋戶上

前腔恩官去魂暗銷黎人蛋家珠淚拋水窟遁鯨鮫頑民  
解忠孝登程太早拜介小的們海邊蛋戶山內黎人感爺  
多年教訓特地趕來拜送些須沉香海味求爺收受生好  
你們知道尊敬官長向化守業共享太平之福便是良民  
以後不可改變去罷衆哭介生異族共號咷焉能棄爾曹  
衆把海濱人慟倒

下扮二乞丐上

前腔恩官去魂暗銷窮民乞兒珠淚拋枷鎖脫監牢飢寒

積匪革心是

不爲盜收心太早拜介我們都是積賊蒙爺教訓改過多年爺去後只怕新四衙來又要叫馬快們從新要比較規禮小人們就死了哭介生不妨這些捕役我已教訓他們奉公守法即使新官要難爲你們他也不肯照從前作踐爾等衆天下四衙靠馬快過活馬快靠賊過活那有爺這等好官哪生但能永做良民自有鬼神默佑斷無意外之禍去罷匪類共號吡焉能飯爾曹衆把奇窮人慟倒

下生咳看了這番光景教人心下好生惆悵也正是從來只有民情厚無奈貪官若寇仇下

第十齣

殉夢

場上設帳老日  
幔筆視上

三疊引懨懨奇病看看緊守定新詞一本

不顧死和生拚把芳心傷盡

從旁看出異  
樣分明

老身俞家養娘我家二姑因讀牡丹亭感念那湯爺染  
成一病神思恍惚意態迷離時而對影喃喃時而書空  
咄咄若說他有病何嘗枕蓆沉淪若說他無病却又姿  
容消瘦看他愁苦將成倩女離魂叩彼情懷不為春游  
感夢真是無藥可醫無人能解咳我只恨那箇作業湯  
爺你好端端造言生事做出這樣勾魂攝魄的文字來

是死症

善煞我家二姑也。

劃清界限

巧偽

寫保母憐惜  
總是凡情

九迴腸

解三醒

沒來由恁般迷悶。沒來由這等酸辛。若說為

憐才慕色加沉頓。他從來不解傷春。此地來求婚者紛紛

托老身作伐。我偶然提起。他便更加氣苦。這是什麼意思。

早難道蠹魚不許鯨魚近。鴻案難將雪案親。魑魅地容光

褪。就是杜麗娘。他還做了一個好夢。我二姑真可憐也。學三

士 那里有亭邊夢裡會相認。向虛無攬下愁根。倘然有些

不幸呵。便給與隨風一顆遊仙印。料沒個聽雨三更叫晝

人。若是留得員外安人在時呵。急三鏡 免得我殘燈畔把心

瀉瀉歸源

酸盡只恐怕梅花下又添座女郎墳

今日天氣和暖待我扶他出來坐坐扶小旦持書上坐

幔中介小旦養娘欄外開的是什麼花老旦這是一朵

牡丹你可要摘來供向瓶內麼小旦哎由他自開罷泣

介老旦呀好端端看花怎又傷心起來小旦咳養娘呀

巫山十二峯

三仙橋

落紅霏霏成陣亂年光纔一瞬便天香

國色料無人第品

白練序

花信到幾分筭人與花枝作後身

都成恨怕催粧雨急卸粧風緊老旦那杜小姐之病是向

夢中起的你又不曾夢見湯爺却是為何小旦我原不會

五字中天荒地老

從牡丹引入  
羨不泛陳



字字華嚴法  
界來

低微二字是  
棒喝

迷離賤腕

有病那得有夢那湯先生是一個奇男子他豈肯容易入

人夢中我是一個蓬門孤女又豈敢容易夢見他來啣醉

平評論心兒自忖笑蟲蟲蟻蟻才子佳人沾泥漬水低微

煞暮雨朝雲老旦如此說二姑是不會有病的了小旦我

怎麼沒病老旦請問是什麼病呢小旦含顰普天樂眉峯翠

壓心頭悶一點真愁難藏隱也非關氣候寒温又何辭容

顏瘦損這情靈由他自轉風輪老旦這本牡丹亭畢竟如

何作怪把你害得如此小旦咳養娘這是他自寫情懷之

作何會有什麼杜小姐若論那柳郎君不過一個貪名好

大聲疾呼一  
棒打煞

色之人雖極力寫他却是極力罵他呢犯胡求名看寶無

身分秋風一棍縱然帽壓官花被桃條敲的狠至于遇鬼

開墳無非可發一笑香遍甚河東舊族倚他王叔文貪着

箇鬼嬋娟畢竟把東床認老日如此說你為甚吟哦圈點

不忍釋手哩小日養娘此中會心如何與你說得明白瑣

寒歎天生這個湯君但把文章泣鬼神讓和戎總制報信

黃門劉潑憐他代管閻羅印喜又嗔把燕和鶯都安頓咳

世無湯君生我何為世有湯君我生何樂抱書本哭介三

頭茫茫大千恁般方寸憑誰慰藉只形骸自親老日那湯

恨淚成河不  
堪卒讀

咄咄書空未  
煩索解

第一  
卷上  
三

爺已非年少聞他兒女成行即令你得見他難道可以屈  
 居副室麼小旦笑介養娘說出這等痴話來男女雖則異  
 形性天豈有分別人生所貴相知者此心耳古人云得一  
 知己死可不恨何必定成眷屬乎此事何須相溷這其間  
 只是我不合來塗脂傅粉我死後你托張許二位相公將  
 我手批這個曲本千萬寄與那湯老爺不可錯誤賀新郎怕  
 官人也為我心傷盡權當寫文簫韻高節節這硃痕共墨痕  
 瀆啼痕是兒家短命銷魂本前世因今生運好心疼人遠  
 天涯近哭暈介老旦呀不好了二姑醒來快醒來我扶你

寫佳人沉痛  
聽非俗贗

人之大患在  
于有身鬼之  
大患在于有  
魂

床上睡去。小旦醒介。養娘咳。我魂銷不盡。你漫温存不願  
乞還魂。

老旦扶下。卽上。哎呀。二姑上床。卽氣絕了。可憐可憐。我  
一面與他殮殮。一面將此曲本送與張許二位相公。寄  
與湯爺去。恨介。咦。活錚錚一個如花似玉的二姑。則被  
這幾頁破書斷送了。我好恨哪。

尾聲。人間只有情難盡。他情外。生情特認真。咳。湯老爺呀。  
不知你得了這一箇知音。你死也肯未肯下。

卿果能真僕  
寧無死

臨川夢傳奇卷上終